

illos tantummodo Regulares convenire, quibus non per viam communicationis, sed expesè, et speciatim ab Sede Apostolica elargita fuerint. Hanc sententiam probare videtur Benedictus XIV, *Const. XXVII, Tom. II Bullarii.*

## § VII.

(\*\*) DE APTO LOCO ORDINIBUS CONFERENDIS. (\*)

(\*\*) XLIII. Nemo est qui nesciat ordinationes Sacrorum Ministrorum fieri olim solitas palam, et in totius populi conspectu, ut sit ordinatio justa, et legitima, que omnium suffragio, et judicio fuerit examinata; Cypr. Ep. LXVIII. Id ipsum innuit Theophilus in Commonit. Can. VI, quum asserit, ordinationes habitas in media Ecclesia, id est, adstante universo fidelium cœtu. Etenim christiano populo, cui noti magis sunt ordinandorum mores jus inerat scrutinii, seu examinis, vi cuius repellere poterat, quos noverat indignos: Syn. Bracar. II, Can. III, Eandem disciplinam confirmavit Syn. Chalced. decernens Can. VI, neminem nisi manifeste in Ecclesia, aut in Martyrio ordinandum; et Leo P. Epist. ad Dioscor. quum ait, quod Sacerdotalis, vel Levitica ordinatio sub lege *Divini officii substituatur.* (\*)

(\*\*) XLIV. Itaque per decem priora Ecclesiæ sæcula nullib; nisi in maxima Sedis Episcopalis Ecclesia, ministrantibus clericis plebeque presente sacrae Ministerum inaugurationes agebantur. At sæculo XI, quo plurimum Ecclesiastica disciplina detrimenti passa est, cœperunt Episcopi privatas ordinationes peragere, ita ut S. Antoninus in Summa Part. III, Tit. XIV, cap. XVI, § 17, aperte jam docuerit, moribus inductum esse, ut Episcopi possent, in qua maluerint Ecclesia, ordinationes celebrare; qua doctrina a posterioribus recepta Summistis, eo ventum est, ut periret omnino pristina ordinationum disciplina. (\*)

(\*\*) XLV. Verùm Tridentina Synodus veterem intendens restituere ordinandi morem, decrevit Sess. XXIII Ref. cap. 8, ut sacre ordinationes in Cathedrali Ecclesia vocatis, præsentibusque ad id Ecclesiæ Canonici publice celebrentur; si autem in alio Dixesis loco, præsente Clero loci, dignior quantum fieri poterit Ecclesia audeatur. Id quod constituit dein S. Carolus Borrom. in Concil. Mediolanen IV, et confirmavit Innocentius XIII, in præf. Conssitut. Apostolici Ministrorum §. 17. Æquum est ergo, ut Episcopi publicas celebrent ordinationes in Cathedrali Ecclesia, atque intra Missarum sollemnia, ministrantibus Canonici, quos id nullo titulo decet molestè ferre. Vides Hallierius de *Sacr. Election. Sect. VI, cap. II, art. 1, § 5.* Hæc de sacrorum ordinum inaugurationibus intelligas necesse est; inferiores enim constat collatos nonnunquam fuisse privatim, nec ipso excepto Subdiaconatu: Hailier. ubi supra. (\*)

## CAPUT DECIMUMNONUM.

## DE CANONICIS, ET VICARIO CAPITULARI.

I. Canonicorum nomen omnibus olim clericis commune fuit: Basilius Epist. I, *Canonica Can. VI*, eo quod *Canoni*, sive *Matricula* Ecclesiæ adscripti essent, cujus stipendorum participes erant. Quamobrem qui deinde Magnatum Oratoriis

serviebant Presbyteri, non dicebantur Canonici, eo quod ab illis, non autem ab Ecclesia substantarentur. Tum inducta Clericorum vita communis, eo quoque Canonici dicti sunt, quod arctiori quadam Ecclesiastica Regula, secundum canonem, sive regulam adstricti, vitam ducerent.

II. Ecclesiastica ejusmodi Regula vitam communem potissimum præcipiebat; quæ quidem in prima Hierosolymorum Ecclesia omnibus fidelibus sub Apostolis agebatur: Act. V, Sed quum ab ea vivendi ratione recessissent laici, soli Clerici deinceps eam coluerunt. *Omnia, ajebat Tertull. in Apolog. indiscreta sunt apud nos.* Et Hier. de Clericis loquens Can. VII, Caus. 12, Q. I. illi, inquit, *victu, et vestitu contenti nullam inter se proprietatem habentes debent habere omnia communia.* (\*\*) Nisi dicas Tertullianum in eo loci non de Clericis dumtaxat, sed de omnibus Christianis loqui; et Hieronymum auctorem non esse Epistolæ ex qua de promulgatur dicitur præf. Canon; atque adeo verosimile esse, ignotam fuisse Clericis per tria priora sæcula communem vivendi normam. (\*)

III. At sæcentibus persecutionibus quum vix Clerici clandestinos conventus agere possent, vitæ communio in eo posita fuit, ut ex bonis Ecclesiæ certas sibi quisque portiones, sive sportulas in dies, aut menses singulos acciperent. Unde Clerici a S. Cypriano Epist. 66, *Fratres sportulantes* dicuntur, et quod nos nunc suspensionem a beneficio dicimus ab eo suspenso a divisione mensurna redditur.

IV. Post pacem Ecclesiæ redditam cœperunt Episcopi in suis Cathedralibus Ecclesiis Clericos secum retinere, quibus et habitatio, et mensa, ceteraque communia essent. Id in Oriente obtinuisse discimus ex S. Basilio Epist. 63, et ex Sozomeno Lib. VI, cap. 31. Ex Orientali verò Ecclesia in Occidentalem migrasse opera S. Eusebii Vercellensis, quum ab Athanasio ex Oriente remigravit, memoria prodiit Ambrosius Epist. 26, ubi scribit illum Eusebium *conjunxisse officia Clericorum, et instituta Monachorum.* Hanc vivendi disciplinam ab Eusebio adripuit Ambrosius, indeque in suas Ecclesias derivarunt S. Martinus Turon. S. Paullinus Nolan. aliquie; ac præ ceteris M. Augustinus in sua Hippon. Ecclesia, quem, teste Possidio in ejus vita, complures Episcopi secuti sunt. (\*\*) Verùm Augustinus Clericorum expertus inconstantiam, ecce, ait in conspectu Dei muto consilium: *qui volunt habere aliquid proprium, maneat ubi volunt, non eis aufero clericatum, nolo habere hypocritas:* Can. XVIII, Caus. 12, Q. I. (\*)

V. Quum verò frigescente charitate communis Clericorum vita passim intermitteretur, sanctorum virorum opera diversis in locis subinde restituta est. Hinc Isidorus, scilicet Hispalensis, antiquum vitæ communis institutum in Hispania instauravit, et Cronogangus Episcopus Metensis in Gallia tempore Pipini Regis suis Clericis in unum Cenobium collectis oportunas regulas tradidit, quibus corrupti mores integritati redderentur.

VI. Salutare hoc Institutum tum pientissimi Reges Pipinus, Carolus M. et Ludovicus Pius confirmarunt, tum Concilia Gallicana maximopere commendarunt, et promoverunt. Cronogangi regulam, agente potissimum Ludovico Pio an. 816, plenioram dedit Synodus Aquisgranensis, Canonisque omnibus servandam proposuit: (\*\*) et in Concilio Romano an. 826, agente Eugenio II, ea Clericis præscripta est viveendi methodus, ut intra claustra monachorum more degarent, unam habentes mensam, unum dormitorium, et communis reliquas officinas: Can. III, Caus 12, Q. I. (\*) Ex quo tempore in omnibus pœnè Gallicanis Ecclesiis Cathedralibus, et Parochialibus, atque adeo (collapsa monastica disciplina) in ipsis monachorum claustris communis clericorum vita ins-

tituta est. Fœminæ quoque canonicam admiserunt vitam, novumque inde genus velatarum virginum invaluit; nimis ut quædam Monachæ, quædam Canonicæ essent.

VII. Jam verò sive ex barbarorum incursionibus, sive aliis ex caussis sæculo X, exeunte, et XI, ineunte in omnibus pœnè Ecclesiis communis Clericorum vivendi regula jam defecerat, quum mox viri doctrina, ac pietate illustres, quo Ecclesiæ damnis ob corruptos clericorum mores mederentur, collapsam canonicam vitam instaurare adgressi sunt. Petrus Damiani in Italia, Ivo Carnotensis in Gallia, Ecbertus Eboracensis in Anglia, alii qui veterem vivendi normam iterum induxerunt, votis insuper monasticis eam adstringentes, in quo a Canoniceis Aquisgranensibus distinguebantur, quibus patrimonio non renuntiare suo permissum erat.

(\*\*) VIII. In Hispania nulla primis quinque sæculis reperimus vitæ communis clericorum semina. Id cœpit medio sæculo VI uti colligitur ex Syn. Tolet. II, Can. I, evincitur ex Tolet III, Can. V, et in Oscensi an. 598. Can. I, aperte conspicitur; quæ quidem viguisse videtur sæculo VII, ut indicat Syn. Tolet. IV, Can. XXIII, alias XXII. (\*)

(\*\*) IX. Sæculo verò VIII, inopinata Saracenorum incursione Hispania exagitata, pristina omnino cecidit Ecclesiæ disciplina, donec ejusmodi dira tirannide a religiosissimis Regibus depulsa, cœperunt Episcopi in sua unusquisque Ecclesia antiquam vitæ communis societatem sub D. Augustini, ita vocata regula, instituere. Eam in tota ejus Provincia instituit Syn. Compostellana an. 1056, Can. I, in quo decernitur, quod Canonici omnes habeant unum Refectorium, unum Dormitorium, silentium observent, ad mensam lectiones sanctas semper audiant, vestimentum usque ad talos induant, Cilicum apud se habeant, et Capellos nigros. Eam quoque in Toletana Ecclesia Mahometi superstitione recens expurgata instituit Bernardus Archiepiscopus an. 1086. quæ non diù constitit; ab ea enim Canonicos partim dispensavit. Raymundus Archiepiscopus an. 1128, partim dein Cebrenus eodem exeunte sæculo, vel ejus successor Gonzalus, ita ut Card. Ximeni tempore vix aliqua regularis disciplinæ extarent vestigia. Unde in omnibus Hispaniæ Cathedralibus vel exolevit tractu temporis canonica vivendi forma, vel Pontificum Rom. indulgentia cessavit, una excepta Pampilonensi, in qua eodem ferme tempore quo in Toletana, Monasticam vitam constituerat Petrus ejusdem Civitatis Episcopus, ut adparet ex Bulla Paschalis II, die 4, Maii an. 1110, et Lucii II, 31, Januarii an. 1114. (\*)

X. Quum verò non omnes clerici communem illam, ac pœnè monasticam amplectentur vitam; hinc Canoniceis sic dictis Sæcularibus aditus patefactus est. Regulares enim dicebantur, qui in Episcopiis, Collegiatis, vel Monasteriis perpetuum bonis omnibus remittentes nuntium, sub Episcopo, Præposito, vel Abbe terum ducebant; unde Augustini clerum omnino æmulabantur pari terrenarum rerum abdicatione; quamobrem et sub Augustini nomine inclinaruerunt. Sæculares verò, qui perpetuis ecclesiasticis Præbendis donati, nec propria dimittentes bona, canonicum institutum, singularem suis in domibus agentes vitam, qua poterant sedulitate, observabant. Licit igitur vocabula Canonorum Regularium, hoc est, eandem rem semel, atque iterum pluribus vocabulis indicatam: et canonorum Sæcularium apertam exhibeant contradictionem, diversos tamem ordines præ ostendunt.

XI. Porrò sensim Canonici Sæculares adeo invaluerunt, ut apud omnes fere Cathedrales Ecclesiæ obtinuerint, cujusmodi cœtus passim Capitula dicta sunt.

Tum redditus Ecclesiastici, qui primum Episcopo, et Canoniceis ex æquo communes erant, in duas deinde sunt tributi partes, ita scilicet, ut alii mensam Episcopi, alii mensam canonicam, sive capitularem constituerent. Quinimmò mensa capitularis tot in partes divisa est, quot erant Canonicei: id quod in aliarum etiam Ecclesiæ Capitulis, sive Collegiatis deinceps invaluit.

XII. Cathedralium Ecclesiæ Canonici, quippe qui simul cum Episcopo comunem gerent vitam, ad ecclesiasticorum negotiorum administrationem tanquam consiliarii, et adscensores exhibiti sunt. Hæc quidem erat antiquitus, ut alibi demonstravimus, omnium Presbyterorum, et Diaconorum prærogativa; verum instaurata Clericorum communi vivendi ratione, quum a Clericis alii in monasteriis sub Abbatे, alii in Parochialibus, sive Collegiatis sub Præposito, alii demum in Cathedralibus sub ipso Episcopo canonicam vitam viverent; hos tantummodo, tanquam proprii sibi adherentes, in pastoralis officii partem advocarunt Episcopi. Verum deinde abjecta vita communi pristinæ disciplinæ consuetudo restituta non est: namque Canonici Cathedralium comparatum antea jus retinuerunt, ut Episcopi Senatum exhiberent, quorum nempè consilio ecclesiastica negotia tractarentur. Qua de re Alexander III, cap. 4, *De His quæ fuit ab Prælato &c.* Patriarchan Hierosolymitanum sic adloquitur: *Novit plenius tue discretionis prudentia, qualiter tu, et fratres tui unum corpus sitis, ita quod tu caput, et illi membra esse probentur. Unde non decet te, omissis membris, aliorum consilio in Ecclesiæ tue negotiis uti, quum id non sit dubium, et honestati tue, et Sanctorum Patrum constitutionibus contraire.* Profectò hic Summus Pontifex de antiquissima loquitur ecclesiastica consuetudine, qua inauditus erat, ut Episcopus quidquam ageret sine consilio sui cleri, cuius jura solum deinde Cathedralis Ecclesiæ Capitulum sibi vindicavit.

XIII. Verum sanctissima hæc unitas, qua canonici suo Episcopo, veluti membra suo Capiti adnectebantur, unumque corpus efficiebant, non diù stetit, sed paullatim disjuncta est; unde et Senatus Ecclesiastici amplitudo, et veteris disciplinæ decus omnino concidit. Uso enim sensim inductum est, ut plura sibi adrogarent Episcopi, quæ sine Capituli agerent consensu; contra verò Canonici haud pauca sibi reservarent in quibus ab Episcopis non penderent: quinimmò aliquibus in locis eo processerunt, ut more monachorum exemptionem ab Episcopi jurisdictione sibi procurarent.

XIV. Ex iis, quæ Episcopus non advoco Capitulo agere nequit, præcipua sunt, Synodus Diœcesanam celebrare, in eaque Judices, et Examinateores creare, tum et constitutiones edere: Trid. Sess. XXIV. Ref. cap. 18, et Sess. XXV, Ref. cap. 10, Bona Ecclesiæ alienare: Cap. 1, 8, 9, de His, quæ fuit a Prælato sine cons. Capit. Ecclesiæ, vel beneficia unire: Clem. ult. de Rebus Eccl. non alienandis, Caussas omnes, quæ ad jura capituli pertinent, terminare: ibid. cap. fn. Reliqua vide apud Fagnanum in cap. Quum ex injuncto de Novi Operis nuntiatione, Ceterum attendendæ sunt locorum consuetudines.

XV. At contra capitulo nonnulla competunt independenter ab Episcopo: uti Instituta, seu Statuta facere, quæ sua negotia respiciant, in Canonicos immorigeros, aliosque Clericos Capitulo subjectos pœnis levioribus animadvertere, propriam arcam habere, et sigillum, mensæ Capitularis redditus administrare, aliaque.

XVI. Jam verò antequam hinc egrediamur, hic obiter observare juvat, Patres Tridentinos etiam in hoc capite veterem disciplinam, pristinamque presbyterii auc-

toritatem instaurare exoptasse; at Canonicis nimium suis exemptionibus addictis rem nonnisi ex parte perfecisse.

1. Igitur Episcopis jure Tridentino competit *in Choro et in Capitulo prima sedes et locus, quem ipsi elegerint.*

2. Præcipua rerum omnium agendarum auctoritas; unde si aliquid Canonici ad deliberandum proponant, nec de re ad suum, vel suorum commodum spectante agatur, Episcopi ipsi Capitulum convocent, vota exquirant, et juxta ea concludant: *Sess. XXV. Ref. cap. 6.*

3. Tum Episcopis jus tributum est, ut cum consilio Capituli singulis Cathedralium Ecclesiarum canonicatibus, ac portionibus sacrum aliquem ordinem adnectant; ita tamen, ut dimidia saltem pars Presbyteri sint; nisi plures, aut omnes ex laudabili consuetudine sint Presbyteri: *Sess. XXIV, Ref. cap. 12.*

4. Episcopis facultas est impertita, ut invisere possint, corrigeret, et emendaret auctoritate Apostolica Capitula etiam exempta, eorumque personas, vel per se ipsos, vel adjuncta illorum, quos voluerint, opera: *Sess. VI, Ref. cap. 4.*

5. Demùn extra visitationem Episcopi in Canonicos, etiam Capituli exempti, animadvertisunt, duobus tamen adjunctis Canonicis principio ejuscumque anni ab ipso Capitulo deputandis; licet in atrocioribus delictis, ubi de fuga timetur, initio possit solus Episcopus ad summariam informationem, et necessariam detentionem procedere.

XVII. Canonicorum officia alia sunt cum reliquis Clericis communia, alia ipsis peculiaria. Primi generis sunt: castitatem, sobrietatem, vite integratam præseferre, in Sacrarum Litterarum, Canonumque studia incumbere, rerum mundanorum pompas, fastumque contemnere &c. Canonicis peculiaria sunt ordinis præbendæ suæ addicti defungi ministerio, proprium suæ dignitatis, personatus, vel officii munus sedulo exercere, demùn in choro ad psallendum ex suæ Ecclesiæ instituto quotidie, vel alternis vicibus adesse: *(\*\*) Syn. Trident. Sess. XXIV, Ref. cap. 12, Constit. Quum semper oblatas* Benedicti XIV, et ejusd. Instit. CVII, § 3. *(\*) Quinimmò ex more ab Ivone Carnotensi primum inducto, et a Syn. Tridentina probato, distributiones quotidianas, nimirum certas specierum, vel pecuniae præbitiones, præsentes tantum Canonici lucrantur: ut ad quas horas canonicas panis interni refectio non movebat, panis corporei refectio provocaret:* ut loquitur Ivo Carnotens. *Epist. ad Paschalem Papam.*

XVIII. Jam verò ex dictis illud prono alveo fluit, Canonicos lege residentiæ teneri, adeo ut ultra tres menses a propria Ecclesia quolibet anno abesse nequeant: *Trid. Sess. XXIV, Ref. cap. 12.* At non desunt quædam Canonibus probatae caussæ, quæ Canonicos ultra definitum spatium abesse potiuntur: veluti si absint negotia curaturi ad Ecclesiam spectantia, modo non sint ultra duos: *Cap. 13, de Clericis non residentibus.* Tum si Episcopi venia Sacris Canonibus dent operam, vel Theologæ in aliquo probato Gymnasio; *(\*\*)* tam discentes, quæ docentes: *Cap. fin. de Magistris.* *(\*)* Porrò absentes licet justis ex caussis, lucrantur quidem fructus præbendarum, quos grossos vocant: minime verò quotidianas distributiones, quibus dumtaxat præsentes fruuntur: has verò, licet Chorón non intersint, ii lucrantur, qui animarum curæ Capitulo, vel suæ dignitati, aut Canonicatui perpetuè adnexæ incumbunt, dum reliqui officia in choro actu persolvunt: veluti Parochus, Pénitentarius, quoisque audiendis confessionibus revera vacet, et Canonicus Theologus ea die, qua Sacrae Scripturæ lectionem habet.

XIX. In promovendis ad Canonicatum plura requiruntur. 1. Ordo Canonica-

tui adnexus, vel saltem, ut intra anni spatium eo initiari possit. 2. Legitima ætas; nimirum in meritis Canonicatibus sufficit ætas 14, annorum; dignitates curam animalium adnexam habentes annos requirunt 25, reliquæ verò annos 22 completos. Verùm ubi ex Tridentini Decreto jam singulis Canonicatibus sacer aliquis ordo fuerit adnexus, profectò quisque etiam meritus Canonicatus ætatem requirit saltem annorum 21. 3. Theologiæ, et Sacrorum Canonum scientia; Episcopis enim jus est Canonicis præsertim Cathedralibus in fascis Episcopalis levamen utendi.

*(\*\*)* XX. Præterea Syn. Trid, eodem *Cap. 12,* Canonicos constringit ad Fidei professionem coram Episcopo, vel ejus Vicario, et coram Capitulo intra duos a possessione adepta menses, sub pena amissionis fructuum faciendam. Ad hec hortatur eadem *Sancta Synodus, ut in Provinciis, ubi commode fieri potest, Dignitates omnes, et saltem dimidia pars Canonicatum in Cathedralibus, et Collegiatis insignibus, conseruant tantum Magistris, vel doctoribus, aut etiam Licentiatis in Theologia, vel Jure Canonico.* Quod quidem observandum in suis Provinciis constituerunt Syn. Tolet. an. 1565. *Actione II, Ref. cap. 29,* et Compostellana ejusdem anni *Act. III, Decret. 33.* *(\*)*

XXI. Sede Episcopali vacante in Capitulum jurisdictionis Episcopalis potestas transfertur: *Cap. 14, de Majoritate, et obedientia;* et *Cap. unic. eodem in VI.* Profectò rationi consonum omnino est, ut qui simul cum Episcopo Ecclesiam regunt, eandem Sede vacante etiam administrent. Unde Deciana persecutione furente, quum abasset Cyprianus, Clerus Carthaginensis Ecclesiæ regimen suscepit: eademque persecutione extincto Fabiano Clerici Romani Ecclesiam interim administrarunt, eoque nomine se *Præpositos* dixerunt: *Epist. 3, ad Cler. Carthag. inter Cyprian.* Capitulum igitur Sede vacante Ecclesiæ suscepit regimen non alieno mandato, vel delegatione, sed potius jure proprio, ac primigenio, quo antiquitus simul cum Episcopo regebat Ecclesiam: *Cardinalis de Luca Discurso 31, in Conc. Trid.* Quamobrem perperam aliqui Canonistæ inter jurisdictionem distinguunt necessariam, et voluntariam; atque illa Capitulum frui autem, ista non item: rectius alii discrimen agnoscunt inter jurisdictionem ordinariam, et delegatam, illamque, non verò istam in Capitulum transferri contendunt.

XXII. Jam verò constat Capitulum Sede vacante non posse 1, exequi, quæ ordinis sunt Episcopalis; at non prohibetur ad exercenda Pontificalia exteros advocare Episcopos. 2. Neque quidquam de juribus Episcopatibus imminuere, aut innovare: qua de re omnino vetatur bona Ecclesiastica alienare, beneficia unire, aut distrahere, aliaque hujuscemodi. 3. Neque beneficia conferre ad liberam Episcopi collationem spectantia, licet possit præsentatos instituere: *Cap. 1, de Institut. in VI.* Verùm 4, ea beneficia, quorum collatio ad Capitulum una cum Episcopo pertinet, ob *adcrecendi* ut ajunt, vel *non decrescendi* jus rectè confert, ubi in quatuor Ordinarii mensibus vacaverint: *Cap. unic. Ne Sede vacante in VI.* 5. Demùn nequit concedere Litteras Dimisorias ad Ordines suscipiendos intra annum luctus Ecclesiæ, iis tantummodo exceptis, qui beneficio sunt arctati, quos ad ordines etiam intra annum dimittit. In Regno Neapolitano ex novissimo Concordatiorum jure Vicarius Capitularis nonnisi cum consensu pleni capituli per secreta suffragia impertiendo ad Ordines dimitti, et laicos clericali tonsura initiandos, qui beneficio, vel capellania arctentur, et Clericos ad beneficium, quod actu certum ordinem requirat, præsentatos, dummodò eosdem Episcopus defunctus ab ordinibus non rejicerit. Alios demùn noe arctatos neque post annum ad ordines dimittit, nisi expressa Sacrae Congregationis Concilii petita venia.

XXIII. Porrò ex Tridentina sanctione *Sess. XXIV, Ref. cap. 16*, Capitulum sicuti pro cura bonorum Ecclesiæ temporalium unum, aut duos Æconomos constitutæ necessum est, qui interim memsam procurent episcopalem: ita ad jurisdictionem exercendam Vicarium, sive Officialem constituere adigitur, qui *Capitularis* dicitur, quod a Capitulo eligatur. Quum enim experientia satis compertum sit, in regimine sive ecclesiastico, sive politico parum feliciter res procedere, ubi unius non sit negotia curandi arbitrium; hinc rectè primum ecclesiastica antiquissima consuetudine, dein et jure Tridentino mos inductus est, ut potestas capituli nonnisi ab uno Vicario unius Prælati vices gerente administretur: *Trident. Sess. XXIV, Ref. cap. 16*.

XXIV. Tempus præfinitum Capitulo constituendi Vicarium Capitularem est octiduum: quo dilapo ad Metropolitanum ejus electio devolvitur. Et si Ecclesia ipsa Metropolitana fuerit, vel exenta, tunc antiquior Episcopus ex suffraganeis in Metropolitana, et propinquor Episcopus in exenta vicarium constituit: *Trid. Sess. XXIV, Ref. cap. 16*. Verùm Canonicis intra octiduum Vicarium constituere negligentibus, re integra, potest mora benè purgari; et rata habebitur electio, quām iisdem ipsis tandem, antequam Metropolita, vel alius negligentiam Capituli supplererit, concluserint. Tum ubi contigerit Ecclesiam Metropolitanam una cum suffraganea vacare, electio Vicarii suffraganei non ad antiquorem suffraganeum, sed ad Capitulum Metropolitanum spectabit. *Benedictus XIV, Lib. II, de Syn. Diocesis. Cap. IX, num. 1*.

XXV. Postremo negligente Metropolita, aut antiquiore, vel proximiore suffraganeo, Romanus Pontifex, vel Sacra Congregatio Episcoporum constituit Vicarium; eique modo ampliores, modo limitatas mandat facultates pro lubito. Quinimmo Vicarius Episcopo aliqua de causa ab Sede Apostolica datus, is adhuc mortuo Episcopo munus idem obibit: tunc enim ob reverentiam Supremæ Sedis locus non datur electioni Vicarii Capitularis: *Sixtus V. Constit. CXVII*, et *Benedictus XIV, ibidem Cap. X, num. 9*.

XXVI. Vicarius Capitularis ex Canonicis, si qui inter eos sint Doctores, Licienciati, Jurisve-Consulti, est eligendus. *Trident. eod. Cap. 16*. At non vetantur Canonici postremum Episcopi defuncti Vicarium eligere, vel, ubi Doctores in Capitulo deficiant, extraneum constituere, nisi aliquem de gremio, quoad fieri poterit, idoneum eligere maluerint: *(\*\*) S. Congregatio Concilii 9. Septemb. an. 1594. (\*)*

## CAPUT VIGESIMUM.

### DE DIGNITATIBUS, PERSONATIBUS, ET OFFICIIS.

I. Dignitatis, Personatus, et Officii vocabula licet aliquando promiscue usurpentur: *Cap. 8, de Constitutionibus*: attamen revera inter se sunt distincta. Dignitas enim amplitudo quædam est, sive præminentia: cui administratio, et jurisdictione est adjuncta: *Leg. XIV, Dig. de Muneribus, et honoribus*. Personatus est honor nullam habens comitem potestatem, sive jurisdictionem, seu est jus præeundi reliquis Canonicis in Choro, et in processionibus: *Gonzalezius in Cap. 6 de Consuetudine*. Officium denique est simplex ministerium, sive nuda rerum Ecclesiasticarum administratio: *Cap. 38 de Simonia*.

II. Præcipue Cathedralium Ecclesiarum Dignitates sunt Archidiaconatus,

Archipresbyteratus, Decanatus, Primiceriatus, Cantoratus, Thesaurariatus. Ecclesiæ Collegiate plerumque Præpositum habent, vel Primicerium. Porrò dignatum non idem ordo est, et numerus in omnibus Ecclesiæ Cathedralibus. Atque adeo Primiceriatus, Cantoratus, et Thesaurariatus pro diversis Ecclesiarum institutionis Dignitates sunt, Personatus aut etiam meri Canoniciatus. In plerisque Cathedralibus primam dignitatem obtinet Archidiaconus; et in nonnullis Archipresbyter. Nec desunt Cathedrales, in quibus Decanus præ ipso Archidiacono primam honoris prærogativam habent. Igitur ex diversis Ecclesiarum moribus, ac præcipliis ex fundationibus, et numerus dignitatum metiendus, et ordo constituendus.

III. Dignatum, et Officiorum origo potissimum ex instituta, atque instaurata communis Clericorum vita est educenda. Tunc enim opus fuit, et iis, qui præsenter, et iis qui propriis Clericis curam impenderent, tum demum et iis, qui bona administrarent, ac tuerentur. Munia haec sive officia plerumque nonnisi mera erant ministeria, sive delegationes, quæ ab Episcopis pro arbitrio conferri, admivis possent. Verùm dissociata communis Clericorum vita, singulisque officiis suis constitutis redditibus, delegationes illæ non solum in beneficia, sed et in dignitates degenerarunt, et quidem perpetuas, et irrevocabiles cum jurisdictione, ac potestate singularis iisdem propria. Adeout qui eas semel esset consecutus, iisdem expoliari nequirit, nisi gravioribus quibusdam de caussis, iisdemque in jure expressis. Atque hinc primum dignitatem in Capitulis emiserunt: quibus aliæ novis foundationibus accessere. Verùm ex posterioris ævi moribus omni fere ecclesiastica jurisdictione ad Episcopum revocata, Dignitates sive Cathedralium, sive Collegiarum præter primas in Choro Sedes, aliaque honorifica jura nullam obtinent potestatem; unde Dignitates inane, ac ventosæ a Doctoribus adpellari consueverunt: *Fagnanus in Caput Ad hæc de Prebendis num. 22*.

IV. Capituli Neapolitani veluti prærogativa est nullam habere dignitatem. Solus Primicerius, veluti primus reliquos antecedit, ex ipsorum tamen Canonorum indulgentia; et Cimeliarcha, qui Thesaurario respondet, non modò unus est ex primario Canonicorum præbendariorum ordine, sed Præfectus etiam est Collegio Hebdomadariorum, baculoque utitur argenteo manubrio ornato in processionibus, aliisque functionibus, quas soli peragunt Hebdomadarii, in jurisdictionis, et præminentiae signum cum prærogativa suffragii in eorum comitiis.

*(\*\*)* V. In Hispania Dignitatibus fere omnibus antiqua quoque jura periisse, at non desunt, que jurisdictionem pristina fortè ampliorem obtinent, uti Archidiaconatus Birviesensis in Ecclesia Burgensi, Archipresbyteratus Agerensis in Catalonia, Decanatus Tudelensis in Navarræ Regno. *(\*)*

### § I.

### DE ARCHIPRESBYTERO.

VI. Non omnes Presbyteros, qui pluribus Presbyteris præsenter, at eos dumtaxat, qui omnibus Diocesibus Presbyteris essent præpositi, antiquitus dictos Archipresbyteros docet *Morinus Part. III, Exercit. XVI, cap. 2*. Parochi enim, quibus suæ Parochiæ Presbyteri superant, non Archipresbyteri, sed dumtaxat Presbyteri Cardinales adpellabantur.